



Republika e Kosovës
Republika Kosovo -Republic of Kosovo
Kuvendi - Skupština – Assembly

Legjislatura VI

Sesioni pranveror

Kuvendi i Republikës së Kosovës, në mbështetje të nenit 65 (1) të Kushtetutës së Republikës së Kosovës dhe nenit 52, paragrafi 2 i Rregullores së Kuvendit, pas debatit të zhvilluar lidhur me gjendjen jo të mirë të rinisë, në seancën plenare të mbajtur më 4 dhe 5 qershor 2018, me propozim të deputetit Fidan Rekaliu dhe të harmonizuar edhe me grupet tjera parlamentare miratoi këtë:

REZOLUTË

1. Të miratohet sa më shpejtë Strategjia për Rini dhe t'i sigurohet e gjithë mbështetja e Qeverisë së Republikës së Kosovës.
2. Të realizohet në afatin sa më të shkurtër plotësim-ndryshimi i Ligjit nr. 03/L-145 për fuqizim dhe pjesëmarrje të rinisë, brenda vitit 2018.
3. Obligohet Qeveria e Kosovës që ta zbatojë në përpikëri Planin e Veprimit: Rritja e punësimit të të rinjve, 2018-2020.
4. Qeveria e Kosovës t'i ndërmarrë të gjitha veprimet e nevojshme për krijimin e kushteve të favorshme për punësim për kuadrot cilësore në Republikën e Kosovës, si dhe për kthimin e trurit të mërgatës në Kosovë brenda vitit 2018.
5. Obligohet Qeveria e Kosovës që të krijojë lehtësira për të rinjtë ndërmarrës.
6. Qeveria e Kosovës ta krijojë një program të veçantë për kategorinë e të rinjve që nuk janë në punë, në shkollë apo në trajnim brenda vitit 2018.
7. Të krijohet programi nga Qeveria e Kosovës për mbështetje financiare për punën praktike të të posadiplomuarve në institucionet publike dhe private, të njihet puna vullnetare si përvojë pune dhe të fillojë të zbatohet nga institucionet përgjegjëse brenda vitit 2018.
8. MASHT-i të fillojë me reforma të planprogrameve arsimore për përshtatjen e tyre me nevojat e tregut të punës për të rinjtë, si dhe stimulimin e drejtimeve deficitare me bursa shtesë, brenda vitit 2018.

9. Qeveria të krijojë mekanizma që t'i luftojë fuqishëm dukuritë negative të të rinjve në Kosovë, siç janë droga, prostitucioni, dhuna në shkolla, alkooli etj. dhe të krijojë mekanizma në rehabilitimin e tyre brenda vitit 2018.

10. MPJ, MIE, si dhe ministritë tjera të linjës t'i ndërmarrin të gjitha veprimet e nevojshme që të rinjtë e Kosovës të jenë pjesë dhe përfituese të të gjitha programeve të bashkëpunimit ndërkombëtar, në veçanti programet e BE-së.

11. Në të gjitha institucione publike të krijohen kushtet për pavarësimin e të rinjve me aftësi të kufizuara.


12. Ministritë e linjave të krijojnë lehtësime në fushën e shitjes së shërbimeve (outsourcing) për të rinjtë ndërmarrës.

13. Shqiptarët nga Mali i Zi, Presheva, Bujanoci dhe Medvegja të kenë të drejtën e studimeve në universiteteve publike me kushte të barabarta me studentët kosovarë.

14. Të bëhet një hulumtim nga Qeveria për ndërtimin e një programi për mbështetjen e të rinjve për krijimin e familjeve të reja, si dhe të ndahet një shumë e mjaftueshme buxhetore për këtë kategori shumë të rëndësishme të shtetit brenda vitit 2018.

Nr. 06-R- 009

Prishtinë, 05. 06. 2018

Kryetari i Kuvendit:

Kadri VESELI

Rezoluta u dërgohet:

- Qeverisë së Republikës së Kosovës,
- Grupeve parlamentare dhe
- Arkivit të Kuvendit.